



唐王右丞詩劉涇溪校本卷之五



送魏郡李太守赴任

與君伯氏別又欲與君離君行無幾日當復隔山陂
蒼茫秦川盡日落桃林塞獨樹臨關門黃河向天外
前經洛陽陌宛路一作洛故人稀故人離別盡淇上轉
駢企予悲送遠惆悵睢陽路古木官渡平秋城鄴
宮故想君行縣日其出從如雲遙思魏公子復憶李
將軍

送秘書晁監還日本國

積水不可極安知滄海東九州何處遠萬里若乘空

向國唯看日歸帆但信風鰲身暎天黑魚眼射波紅
鄉樹扶桑外主人孤島中別離方異域音信若為通

送徐郎中

東郊春草色驅馬去悠悠況復鄉山外猿啼湘水流
島夷傳露版江館候鳴騶卉服為諸吏珠官拜本州
孤鶯吟遠墅野杏發山郵早晚方歸奏南中絕忌秋

送李判官赴江東

聞道皇華使方隨皂蓋臣封章通左語冠冕化文身
樹色分楊子潮聲滿富春遙知辨璧吏息到泣珠人

送康太守

城下滄江水江邊黃鶴樓朱欄將粉堞江水暎悠悠
鏡吹發夏口使君居上頭郭門隱楓岸候吏趨蘆洲
何異臨川郡還來一作勞康樂侯

送陸員外

郎署有伊人居然古人風天子頌河北詔書隸征東
拜手辭上官緩步出南宮九河平原外七國薊門中
陰風悲枯桑古塞多飛蓬萬里不見虜蕭條胡地空
無為費中國更欲邀奇功遲遲前相送握手嗟異同
行當封侯歸肯訪南山翁

送封太守

忽解羊頭削聊馳熊軾輻揚舲發夏口按節向吳門
帆暎丹揚郭楓攢赤岬村百城多候吏露冕一何尊
送王尊師歸蜀中拜掃
大羅天上神僊客濯錦江頭花柳春不為碧雞稱使
者唯令白鶴報鄉人

送崔五太守

長安厩吏來到門朱文露網動行軒黃花縣西九折
坂玉樹宮南五丈原褒斜谷中不容憶唯有白雲當
露冕子午山裏杜鵑啼嘉陵水頭行客飯劔門忽斷
蜀川開萬井雙流滿眼來霧中遠樹刀州出天際澄
江巴字迴使君年幾三十餘少年白暫專城居欲持
畫省郎官草迴與臨邛父老書

送宇文太守赴宣城

寥落雲外山迢遞舟中賞鏡吹發江西秋空多清響
地迥古城燕月明寒潮廣時賽敬亭神復解罟師網
何處寄相思南風吹一作搖五兩

送嚴秀才還蜀

寧親為令子侶舅即賢甥別路經花縣還鄉入錦城
山臨青塞斷江向白雲平獻賦何時至明君憶長卿
送李睢陽

將置酒思悲翁使君去出城東菱漸漸雉子斑槐陰
陰到潼關騎連連車遲遲心中悲宋又遠周間之南
淮夷東齊兒碎碎織練與素絲遊人賈客信難持五
穀前熟方可為下車閉閣君當思天子當殿儼衣裳
大官尚食陳羽觴無倫無義彤庭散綬垂明璫黃紙詔書
出東廂輕紈疊綺爛生光宗室子弟君最賢分憂當
為百辟先布衣一言相為死何況聖主恩如天鑿聲
噦噦魯侯旗明年上計朝京師須憶今日斗酒別慎
勿富貴忘我為

送張判官赴河西

單車曾出塞報國敢邀勳見逐張征虜今思霍冠軍
沙平連白雪蓬卷入黃雲慷慨倚長劍高歌一送君

送岐州源長史歸

同在崔常侍幕時崔常侍已歿

握手一相送心悲安可論秋風正蕭索客散孟常門
故驛通槐里長亭下堇原征西舊旌節從此向河源

送綦毋校書棄官還江東

明時久不達棄置與君同天命無怨色人生有素風
念君拂衣去四海將安窮秋天萬里靜日暮澄江空
清夜何悠悠扣舷明月中和光漁鳥際澹尔兼葭叢
無庸客昭世衰鬢日如蓬頑踈暗人事僻陋遠天聰

微物縱可採其誰為至公今亦從此去歸耕為老農
送張道士歸山

先生何處去王屋訪茅君別婦留丹馱驅雞入白雲
人間若剩住苦難天上復離群新意當作遼城鶴仙
歌使尔聞

送元二使安西

渭城朝雨裊輕塵客舍青青柳色春勸君更盡一盃
酒西出陽關無故人一作依依揚柳春

送六舅歸陸渾

伯舅吏淮泗卓魯方喟然悠哉自不競退耕東臯田

條桑臘月下種杏春風前酌醴賦歸去共知陶令賢
送方尊師歸嵩山

仙官欲往九龍潭旄節朱幡倚石龕山壓天中半天
上洞穿江底出江南瀑布杉松常帶雨夕陽夕夕忽
成嵐借問迎來雙白鶴已曾衡岳送蘇

同崔興宗送瑗公

言從石菌門新下穆陵關獨向池陽去白雲留故山
綻衣秋日裏洗鉢古松間一施傳心法唯將戒足還

同詠

崔興宗

行苦神亦秀冷然溪上松銅瓶與竹枝來自祝融峰

常願入靈岳藏經訪遺蹤南歸見長老且為說心曾
送錢少府還藍田

草色日向好桃源人去稀手持平子賦目送老萊衣
每候山櫻發時同海鷺歸今年寒食酒應得返柴扉
留別錢起

卑棲却得性每與白雲歸徇祿仍懷橘看山免採薇
暮禽先去馬新月待開扉霄漢時回首知音青瑣闥
送丘為往唐州

宛洛有風塵君行多苦辛四愁連漢水百口可隨人
槐色陰清晝楊花惹暮春朝端肯相送天子綉衣臣
留別丘為

歸鞍白雲外繚繞出前山今日又明日自知心不閑
親勞簪組送欲赴鶯花還一步一迴首遲遲向近關
送元中丞轉運江淮

薄稅歸天府輕徭賴使臣歡沾賜帛老恩及卷綃人
去問珠官俗來經石劫春東南高亭上莫使有風塵
送別

下馬飲君酒問君何所之君言不得意歸卧南山陲
但去莫復聞白雲無盡時

送張五歸山

送君盡惆悵復送何人歸
幾日同携手一朝先拂衣
東山有茅屋幸為歸荆扉
當亦謝官去豈今心事違

齊州送祖三

相逢方一笑相送還成泣
祖帳已傷離荒城復愁入
只是眼前天寒遠山淨日暮長河急
解纜君已遙望君猶佇立

送別

送君南浦淚如絲君向東州使我悲
為報故人顛顛盡如今不似洛陽時

送崔九興宗遊蜀

送君從此去轉覺故人稀
徒御猶迴首田園方掩扉
出門當旅食中路授寒衣
江漢風流地遊人何處歸
送熊九赴任洛陽

魏國應劉氏寂寥文雅空
漳河如舊日之子繼清風
阡陌銅臺下問閭金虎中
送車盈灞上輕騎出關東
相去千餘里西園明月同

送崔興宗

已恨親皆遠誰憐友復稀
君王未西顧遊宦盡東歸
塞闊山河淨天長雲樹微
方同菊花節相待洛陽扉
送縉雲苗太守

手疏謝名王腰章為長吏方從會稽邸更發汝南騎
按節下松陽清江響鏡吹露冕見三吳方知百城貴

送李太守赴上洛

商山包楚鄧積翠藹沉沉驛路飛泉洒關門落照深
野花開古戍行客響空林板屋春多雨山城晝欲陰
丹泉通號略白羽抵荆岑若見西山爽應知黃綺心

送從弟蕃遊淮南

讀書復騎射帶劍遊淮陰淮陰少年輩千里遠相尋
高義難自隱明時寧陸沈島夷九州外泉館三山深
席帆聊問罪丹服盡成擒歸來見天子拜爵賜黃金
忽思鱸魚膾復有滄洲心天寒蒹葭渚日落雲夢林
江城下楓葉淮上聞秋砧送歸青門外車馬去駸駸
惆悵新豐樹空餘天際禽

送平淡然判官

不識陽關路新從定遠侯黃雲斷春色畫角赴邊愁
瀚海經年別一作到交河出塞流湏令外國使知飲月
支頭

送孫秀才

帝城風日好況復建平家玉枕雙文篔簹金盃五色瓜
山中無魯酒松下飯胡麻莫厭田家苦歸期遠復賒

送常評事

欲逐將軍取右賢沙場走馬向居延遙知漢使蕭關
外愁見孤城落日邊

送權二

高人不可有清論復何深一見如舊識一言知道心
明時當薄宦解薛去中林芳草空隱處白雲餘故岑
韓侯久携手河岳共幽尋悵別千餘里臨堂鳴素琴

送高道弟耽歸臨淮作

座上作

少年客淮泗落拓居下邳遨遊向燕趙結客過臨淄
山東諸侯國迎送紛交馳自尔厭遊俠閉戶方垂帟
深明戴家禮頗學毛公詩備知經濟道高卧陶唐時
聖主詔天下賢人不得遺公吏奉纁組安車去茅茨
君王蒼龍關九門十二逵群公朝謁罷冠劍下丹墀
野鶴終踉蹌威鳳徒參差或問理人術但致還山詞
天書降北闕賜帛歸東菑都門謝親故行路日逶遲
孤帆萬里外渺漫將何之江天海陵郡雲日淮南祠
杳冥滄洲上蕩漾無人知緯蕭或賣藥出處安能期

送劉司直赴安西

絕域陽關道胡煙與塞塵三春時有鴈萬里少行人
首着隨天馬蒲桃逐漢臣當今外國懼不敢覓和親

無意
之意

送別

聖代無隱者英靈盡來歸
遂令東山客不得碩採薇
既至君門遠孰云吾道非
江淮渡寒食京洛縫春衣
置酒臨長道同心與我違
行當浮桂棹未幾拂荆扉
遠樹帶行客孤城當落暉
吾謀適不用勿謂知音稀

靈雲池送後弟

金盃緩酌清歌轉畫舸
輕移艷舞迴自嘆鶴鴝臨水
別不同鴻鴈向池來

送趙都督赴代州

得青字

天官動將星漢地柳條青
萬里鳴刁斗三軍出井陘
忘身辭鳳闕報國取龍庭
豈學書生輩窻間看一經

臨高臺送黎拾遺

相送臨高臺川原杳何極
日暮飛鳥還行人去不息

送方城韋明府

遙思葭菼際寥落楚人行
高鳥長淮水平蕪故郢城
使車聽雉乳縣鼓應雞鳴
若見州從事無嫌手扳迎

平平寫到盡

送李員外賢郎

少年何處去負米上銅梁
借問阿戎父知為童子郎

魚牋請詩賦撞布作衣裳蕙苾扶衰病歸來幸可將
送梓州李使君

萬壑樹參天千山響杜鵑山中一半雨樹抄百重泉
漢女輸檀布巴人訟芋田文翁翻教授不敢倚先賢
送楊少府貶彬州

明到衡山與洞庭若為秋月聽猿聲愁看北渚三湘
客惡說南風五兩輕青草瘴時過夏口白頭浪裏出
盜城長沙不久留才子賈誼何須弔屈平

送張五諲歸宣城

五湖千萬里況復五湖西漁浦南陵郭人家春穀溪
欲歸江淼淼未到草淒淒最是憶想南陵鎮可宜猿
更啼

送友人南歸

萬里春應盡三江鴈亦稀連天漢水廣孤客郢城歸
郎國稻苗秀楚人菰米肥懸知倚門望遙識老萊衣
送賀遂員外外甥

南國有歸舟荆門沂上流蒼茫葭葦外雲水與昭丘
檣帶城烏去江連暮雨愁猿聲不可聽莫待楚江秋

送楊長史赴果州

褒斜不容憶之子去何之鳥道一千里猿啼十二時

官橋祭酒客山木女郎祠別後同明月君應聽子規
送張舍人佐江州同薛據

東帶趨承明守官唯謁者清晨聽銀虬薄暮辭金馬
受辭未嘗易當御方知寡清範何風流高文有風雅
忽佐江上州當自潯陽下逆旅到三湘長途應百舍
香爐遠峰出石鏡澄湖瀉董鳳杏成林陶潛菊盈把
范蠡常好之廬山我心也送君思遠道欲以數行酒

送韋大夫東京留守

人外遺世慮空端結遐心曾是巢許淺始知堯舜深
蒼生詎有物黃屋如喬林上德撫神運冲和穆衣襟

雲雷康迪難江海遂飛沉天工寄人英龍袞澹一作瞻

君臨名器苟不假保釐固其任素資貫方領清景照
華簪慷慨念王室從容獻官箴雲旗蔽三川畫角發
龍吟晨揚天漢聲夕卷大河陰窮人業已寧逆虜遺
之擒然後解金組拂衣東山岑給事黃門省秋光正
沈沈功名與身退老病隨年侵君子從相訪重玄其
可尋

送邢桂州

鏡吹喧京口風波下洞庭赭圻將赤岬擊汰復揚舲
日落江湖白潮來天地青明珠歸合浦應逐使臣星

送宇文三赴河西充行軍司馬

橫吹雜繁笳邊風卷塞沙還聞田司馬更逐李輕車
蒲壘成秦地莎居屬漢家當令大戎國朝聘學昆耶

送別

山中相送罷日暮掩柴扉春草明年綠王孫歸不歸

今古斷腸
理不在多

資聖寺送甘二

浮生信如寄薄宦夫何有來往本無歸別離方此受
柳色藹春餘槐陰清夏首不覺御溝上銜悲執杯酒

送孫二

郊外誰相送夫焉道術親書生鄒魯客才子洛陽人
祖席依寒草行子起暮塵山川何寂寞長望淚沾巾

送崔三
密州觀省

南陌去悠悠東城不少留同懷扇枕戀獨念倚門愁
路遶天山雪家臨海樹秋魯連功未報且莫蹈滄洲

送沈子延江東

楊柳渡頭行客愁
吾師盪漿向臨圻
唯有相思伴春色
江南江北送君歸

送丘為
第歸江東

憐君不得意況復柳條春為客黃金盡還家白髮新

五湖三畝宅萬里一歸人知禰爾一作不能薦羞為獻
納臣

留別山中溫古上人兄并示舍弟縉

解薜登天朝去師偶時哲豈唯山中人兼負松上月
宿昔同遊止致身雲霞未開軒臨潁陽卧視飛鳥没
好依盤石飯屢對瀑泉歌理齊少狎隱道勝寧外物
舍弟官崇高宗兄此削髮荆扉但灑掃乘閑當過拂

觀別者

青青楊柳陌陌上別離人愛子遊燕趙高堂有老親
不行無可養行去百憂新切切委兄弟依依向四鄰
都門帳飲畢從此謝賓親揮淚逐前侶含悽動征輪
車從望不見時時起行塵余亦辭家久看之淚滿巾

別弟縉後登青龍寺望藍田山

陌上新別離蒼茫四郊晦登高不見君故山復雲外
遠樹蔽行人長天隱秋塞心悲宦遊子何處飛征蓋

別輞川別業

依遲動車馬惆悵出松蘿忍別青山去其如綠水何
山月曉仍在林風涼不絕慙慙如有情惆悵令人別

清灑頓挫
略不動容

別弟妹 二首

兩妹日成長雙鬟將及人已能持寶瑟自解掩羅巾
念昔別時小未知踈與親今來始離恨拭淚方慙慙
小弟更孩幼歸來不相識同居雖漸慣見人猶未覓
宛作越人語殊甘水鄉食別此軍為難淚盡有餘憶

崔九弟欲往南山馬上口號與別

城隅一分手幾日還相見山中有桂花莫待花如霰

同詠

裴迪

歸山深淺去須盡丘壑美莫學武陵人暫遊桃源裡
留別崔興宗

駐馬欲分襟清寒御溝上前山景氣佳獨往還惆悵

別綦毋潛

端笏明光宮歷稔朝雲陞詔看延閣書高議平津郎
適意輕偶人虛心削煩禮盛得江左風彌工建安體
高張多絕絃截河有清濟嚴冬爽群木伊洛方清泚
渭水冰下流潼關雪中啓荷蓀幾時還塵纓待君洗

新晴晚望

新晴原野曠極目無氛垢郭門臨渡頭村樹連溪口
白水明田外碧峰出山後農月無閑人傾家事南畝

漢江臨汎

楚塞三湘接荆門九派通江流天地外山色有無中

郡邑浮前浦波瀾動遠空襄陽好風日留醉與山翁
登辨覺寺

竹迳從初地蓮峰出化城牕中三楚盡林上九江平
敷草承趺坐長松響梵聲空居法雲外觀世得無生

涼州郊外遊望

野老才三戶邊村少四鄰婆婆娑依里社蕭鼓賽田神
灑酒澆芻狗焚香拜木人女巫紛屢舞羅襪自生塵

觀獵

風勁角弓鳴氣槩將軍獵渭城草枯鷹眼疾雪盡馬
蹄輕忽過新豐市還歸細柳營迴看射鴈處千里暮

雲平

遊感化寺

翡翠香烟合琉璃寶地平龍宮連棟宇虎穴傍簷楹
谷靜惟松響山深無鳥聲瓊峰當戶折金澗透林鳴
郢路雲端迥秦川雨外晴鴈王銜果獻鹿女踏花行
若用禮記
鹿女舛抖擻辭貧里歸依宿化城繞籬生野蕨空
館發山櫻香飯青菰米嘉蔬綠芋羹陪清梵末端

坐學無生

遊悟貞寺

聞道黃金地仍開白玉田擲山移巨石呪嶺出飛泉

猛虎同三迳愁猿學四禪
買香燃綠桂乞火踏紅蓮
草色搖霞上松聲汎月邊
山河窮百二世界滿三千
梵宇聊憑視王城逐渺然
灞陵才出樹渭水欲連天
遠縣分諸朱一作郭孤村起
白烟望雲思聖主披霧憶
群賢薄宦慚尸素終身擬
尚玄誰知草庵客曾和栢
梁篇

寒食城東即事

清溪一道穿桃李演漾綠蒲
涵白芷溪上人家凡幾
家落花共落東流水蹴踘
屢過飛鳥上鞦韆競出垂
楊裡少年今日作遨遊不用
清明兼上巳

春日上方即事

好讀高僧傳時看辟穀方
鳩形將刻杖龜殼用支床
柳色春山映梨花夕鳥藏
北窻桃李下閑坐但焚香

晦日遊大理常卿城南別業四聲依次用

與世淡無事自然江海人
側聞塵外遊解弁託朱輪
極野昭暄景上天垂春雲
張組共曲阜汎舟過東鄰
故鄉信高會牢醴及家臣
一本作佳辰幸同擊壤樂心荷

堯為君

郊居杜陵下永日同携手
人里藹川陽平原見峰首
園廬鳴春鳩林薄媚新柳
上卿始登席故老前為壽

臨當遊南陂約略執盃酒車轍詘微官惆悵心自咎

選勝

冬中餘雪在墟上春流駛風日暢懷抱山川好天氣

彫胡先豐酌一作晨炊庖膾六雲一作後至高情浪海岳浮

生寄天地君子外簪纓埃塵良不啻所樂衡門中陶

然忘其貴

高館臨登陂曠望一作然蕩心目淡蕩動雲天玲瓏映

墟曲鵲巢結空林雉雊響幽谷應接無閑暇徘徊以

躑躅紆組上春堤側弁倚喬木弦望忽已晦後期洲

應綠

冬日遊覽

步出城東門試騁千里目青山橫蒼林赤日團下字佳

平陸渭北走邯鄲關東出函谷秦地萬方會來朝九

州牧平實悲壯古意雅辭樂府所少雞鳴咸陽中冠蓋相追逐丞相

過列侯群公餞光祿相如方老病獨歸茂陵宿更但

言語

汎前陂

秋空自明迥况復遠人間暢以沙際鶴兼之雲外山

澄波淡將夕清月皓方閑此夜任孤棹夷猶殊未還

游李山人所居因題屋壁

世上皆如夢狂來或自歌問年松樹老有地竹林多
藥倩韓康賣門容向子過翻嫌枕上席無那白雲何
與蘇盧二員外期游方丈寺而蘇不至因有
是作

共仰頭陀行能忘世締情迴看雙鳳關相去一牛鳴
法向空林說心隨寶地平手中花氎淨香帔稻畦成
同道邀同舍相期宿化城安知不來往翻以得一作本
侶無生

登河北城樓作

井邑傳一作巖上客亭雲霧間高城眺落日極浦暎

蒼山岼火孤舟宿漁家夕鳥還寂寥天地暮心與廣
川閑

登裴迪秀才小臺作

端居不出戶滿目望雲山落日鳥邊下秋原人外閑
遙知遠林際不見此簷間好客多乘月應門莫上關

唐王右丞詩劉須溪校本卷之五終

唐王右丞詩劉須溪校本卷之六

曉行巴峽

際曉投巴峽餘春憶帝京晴江一女浣自然好朝日衆
雞鳴水國舟中市山橋樹杪行登高萬井出晚迥二
流明人作殊方語鶯為舊國聲賴諳山水趣稍解別
離情

出塞作

時為監察塞上作

居延城外獵天驕白草連天野火燒暮雲空磧時驅
遼玉靶角弓珠勒馬漢家將賜霍嫖姚

自大散以往深林密竹磴道盤曲四五十里

至黃牛嶺見黃花川

危徑幾萬轉數里將三休迴環見徒侶隱暎隔林丘
颯颯松上雨潺潺石中流靜言深溪裏長嘯高山頭
望見南山陽白日靄悠悠青臯麗已淨綠樹鬱如浮
曾是厭蒙密曠然消人憂

被出濟州

微官易得罪謫去濟川陰執政方持法明君無此心
閭閻河潤上井邑海雲深縱有歸來日各愁年鬢侵
休假還舊業便使

謝病始告歸依依入桑梓家人皆佇立相候衡門裡
時輩皆長年成人舊童子上堂嘉慶畢顧與姻親齒
論舊忽餘悲目存且相喜田園轉蕪沒但有寒泉水
衰柳日蕭條秋光清邑里入門乍如客休騎非便止
中飯顧王程離憂從此始

早入滎陽界

汎舟入滎澤茲邑乃雄藩河曲間閭隘川中煙火繁
因人見風俗入境聞方言秋田晚疇盛朝光市井喧
漁商波上客鷄犬岸傍村前路白雲外孤帆安可論
寒食記上作

廣武城邊逢暮春汶陽歸客浚沾巾落花寂寂啼山

鳥楊柳青青渡水人

宿鄭州

朝與周人辭暮投鄭人宿他鄉絕儔侶孤客親僮僕
宛洛望不見秋霖晦平陸田父草際歸村童雨中牧
主人東臯上時稼遠茅屋蟲思機杼鳴雀喧禾黍熟
明當渡京水昨晚猶金谷藹然戀此去欲何言窮邊
徇微一作祿

千塔主人

逆旅逢佳節征帆未可前窓臨汴河水門渡楚人舩
雞犬散墟落桑榆蔭遠田所居人不見枕蓆生雲烟

使至塞上

單車欲問邊屬國過居延征蓬出漢塞歸鴈入湖天
大漠孤烟直長河落日圓蕭關逢候吏都護在燕然
渡河到清河作

苦熱

汎舟大河裏積水窮天涯天波忽開折郡邑千萬家
行復見城市宛然有桑麻迴瞻舊鄉國森漫連雲霞
赤日滿天地火雲成山岳草木盡焦卷川澤皆竭涸
輕紈覺衣重樹密苦陰薄莞簟不可近絺綌再三濯
思出宇宙外曠然在寥廓長風萬里來江海蕩煩濁

却願身為患始知心未覺忽入甘露門
宛然清涼樂
納涼

喬木萬餘株清流貫其中前臨大川口
豁達來長風
連漪含白沙素鮪如遊空偃卧盤石上
翻濤沃微躬
漱流復濯足前對釣魚翁貪餌凡幾許
徒思蓮葉東

濟上四賢詠

崔錄事

解印歸田里賢哉此丈夫少年曾任俠
晚節更為儒
遁世東山下因家滄海隅已聞能狎鳥
余欲共乘桴
成文學

寶劍千金裝登君白玉堂身為平原客
家有邯鄲娼
使氣公卿座論心遊俠場中年不得志
謝病客遊梁
鄭霍二山人

翩翩繁華子多出金張門幸有先人業
早蒙明主恩
童年且未學肉食驚華軒豈乏中林士
無人獻一作薦

至尊鄭公老泉石霍子安丘樊賣藥不
二價著書盈
萬言息陰無惡木飲水必清源吾賤不
及議斯人竟
誰論

偶然作

楚國有狂夫茫然無心想散髮不冠帶
行歌南陌上

孔丘與之言仁義莫能獎未嘗肯問天何事須擊壤
復笑採薇人胡為乃長往

田舍有老翁垂白衡門裏有時農事閑斗酒呼鄰里
喧聒茅簷下或坐或復起短褐不為薄園葵固足美
動則長子孫不曾向城市

五帝與三王古來稱天子干戈將揖讓畢竟何者是
得意苟為樂野田安足鄙且當放懷去行行沒餘齒

天一作君
放一作忘

日夕見太行沉吟未能去問君何以然世網嬰我故
小妹日成長兄弟未有娶家貧祿既薄儲蓄非有素

幾迴欲奮飛踟躕復相顧孫登長嘯臺松竹有餘處
相去詎幾許故人在中路愛深日已薄禪寂日已固
忽乎吾將行寧俟歲云暮

陶潛任天真其性頗耽酒自從棄官來家貧不能有
九月九日時菊花空滿手中心竊自思倘有人送否
白衣携壺觴果未遺老叟且喜得斟酌安問升與斗
但可從
此止 舊衣野田中今日嗟無負兀傲迷東西蓁莖
不能守傾倒強行行酣歌歸五柳生事不曾問肯媿

家中婦

趙女彈箜篌復能邯鄲舞夫婿輕薄兒聞雞事齊主

黃金買歌笑用錢不復數許史相經過高門盈四牡
客舍有儒生昂藏出鄒魯讀書三十年腰下無尺組
被服聖人教一生自窮苦

老來嬾賦詩惟有老相隨宿世謬詞客前身應畫師
不能捨餘習偶被世人知名字本皆是此心還不知

西施詠

艷色天下重西施寧久微朝為溪越女暮作吳宮妃
賤日豈殊衆貴來方悟稀邀人傅脂粉不自着羅衣
君寵益嬌態君憐無是非當時浣沙伴莫得同車歸
持謝鄰家子數頻安可希

李陵詠時年十九

漢家李將軍三代將門子結髮有奇策少年成壯士
長驅塞上兇深入單于里旌旗列相向簫鼓悲何已
日暮沙漠陞戰聲烟塵裏將令驕虜滅豈獨名王侍
既失大軍援遂嬰穹廬耻少小蒙漢恩何堪坐思此
深衷欲有報投軀未能死引領望子卿非君誰相理

鷺子龕禪師

山中燕子龕路劇羊腸惡裂地競盤屈挿天多峭嶮
瀑泉吼而噴怪石看欲落伯雨訪未知五丁愁不鑿
上人無生緣生長居紫閣六時自搥磬一飲尚帶索

種田燒白雲斫漆響丹壑行隨拾栗猿歸對巢松鶴
時許山神請偶逢洞仙博救世多慈悲即心無行作
周商倦積阻蜀物多淹泊巖腹乍旁穿澗唇時外拓
橋因倒樹架柵值垂藤縛鳥道悉已平龍宮為之涸
跳波誰揭厲絕壁免捫摸山木日陰陰結跣歸舊林
一向石門裡任君春草深

息夫人

時年二十

莫以今時寵能忘舊日恩看花滿眼淚不共楚王言

班婕妤 三首

玉窻螢影度金殿人聲絕秋夜守羅帷孤燈耿明滅
宮殿生秋草君王恩幸踈那堪聞鳳吹門外度金輿
恠來粧閣閉朝下不相迎恝向春園裏花間語笑聲

語皆不
刻而近

晚春閑思

新粧可憐色落日卷羅帷鑪氣清珍簾墻陰上玉墀
春蟲飛網戶暮雀隱花枝向晚多愁思閑牕掩李時

羽林騎閨人

秋月臨高城城中管絃思離人堂上愁稚子堦前戲
出門復暎戶望望青絲騎行人過欲盡狂夫終不至
左右寂無言相看共垂淚

戲題示蕭氏外甥

伶爾解臨池渠翁未學詩老夫何足侶弊宅倘因之
蘆笋穿荷葉菱花冑鴈兒却公不易勝莫着外家欺

冬夜書懷

冬宵寒且永夜漏宮中發草白靄繁霜木衰澄清月
麗服暎頰頰朱燈照華髮漢家方尚少顧影慙朝謁

秋夜獨坐

獨坐悲雙鬢空堂欲二更雨中山果落燈下草虫鳴
白髮終難變黃金不可成欲知除老病唯有學無生

不遇詠

北闕獻書寢不報南山種田時不登百人會中身不
預五侯門前心不能身投河朔飲君酒家在茂陵平
安否且共登山復臨水莫問春風動楊柳今人作一作
昨人多自私我心不說君應知濟人然後拂衣去肯
作徒爾一男兒

待儲光羲不至

重門朝已啓起坐聽車聲要欲聞清佩方將出戶迎
晚鍾鳴上苑踈雨過春城了自不相顧臨堂復空情

聽宮鶯

春樹遶宮牆春鶯轉曙光忽驚啼暫斷移處啼還長

隱葉棲承露排花出未央遊人未應返為此思故鄉
聽百舌鳥

上蘭門外草萋萋未央宮中花裡栖亦有相隨過御
苑不知若箇向金堤入春解作千般語拂曙能先百
鳥啼萬戶千門應覺曉建章何必聽鳴雞

題友人雲母障子

時年十五

君家雲母障持向野庭開自有山泉入非因彩畫來

賦得清如玉壺冰

京兆府試
時年十九

藏冰玉壺裏冰水類方諸未共銷丹日還同照綺疎
抱明中不隱含淨外疑虛氣似庭霜積光言砌月餘

曉凌飛鵲鏡宵暎聚螢書若向夫君比清心尚不如

劇嘲史宥

清風細雨濕梅花驟馬先過碧玉家正值楚王宮裏
至門前初下七香車

紅牡丹

綠艷閑且靜紅衣淺復深花心愁欲斷春色豈知心
左掖梨花

閑灑堦邊草輕隨箔外風黃鸝弄不足銜入未央宮

同詠

丘為

冷艷全欺雪餘香乍入衣春風且莫定吹向玉階飛

皇甫冉

巧解迎人笑，偏能亂蝶飛。
春風時入戶，幾片落朝衣。
早朝

皎潔明星高，蒼茫遠天曙。
槐霧鬱不開，城鴉鳴稍去。
始聞高閣聲，莫辨更衣處。
銀燭已成行，金門儼駟馭。
柳暗百花明，春深五鳳城。
城烏睥睨曉，宮井輾轡聲。
方朔金門侍班姬，玉輦迎仍聞遣方士。
東海訪蓬瀛，菩提寺禁裴迪來相看。
說逆賊等凝碧池上，作音樂供奉人等舉聲便。
一時淚下私成口，號誦示裴迪。

萬戶傷心生野烟，百官何日更朝天。
秋槐葉落空宮裡，凝碧池頭奏管絃。

口號又示裴迪

安得捨塵網，拂衣辭世喧。
悠然策藜杖，歸向桃花源。
春日直門下省早朝

騎省直明光，雞鳴謁建章。
遙聞侍中佩，闇識令君香。
玉漏隨銅史，天書拜夕郎。
旌旗暎閭闔，歌吹滿朝陽。
官舍梅初紫，宮門柳欲黃。
願將遲日意，同與聖恩長。

愚公谷

青龍寺與黎昕戲題三首

愚谷與誰去，唯將黎子同。
非須一處住，不那兩心空。

寧問春將夏誰論西復東不知吾與子若箇是愚公
愚一作吾家愚谷裡此谷本來平雖則行無跡還能響
應聲不隨雲色暗只待日光明緣底名愚谷都由愚
所成

借問愚公谷與君聊一尋不尋翻到谷此谷不離心
行處曾無險看時豈有深寄言塵世客何處欲歸臨

寓言

朱紱誰家子無乃金張孫驪駒從白馬出入銅龍門
問爾何功德多承明主恩閑鷄平樂館射雉上林園
曲陌車騎盛高堂珠翠繁奈何軒冕貴不與布衣言
君家御溝上垂柳夾朱門列鼎會中貴鳴珂朝至尊
生死在八議窮達由一言須識苦寒士莫矜狐白溫

襟詩 五首

朝因折楊柳相見洛城隅楚國無如妾秦家自有夫
對人傳玉腕映竹解羅襦人見東方騎皆言夫婿殊
持謝金吾子煩君提玉壺多少疑有誤

雙燕初命子五桠初作花王昌是東舍宋玉次西家
小小能織綺時時出浣沙親勞使君問南陌駐香車
家住孟津河門對孟津口常有江南船寄書家中否

與時有汶陽
人皆費解說

君自故鄉來應知故鄉事來日綺窓前寒梅開
花未已見寒梅發復聞啼鳥聲心心視春草畏
向階前生

獻始興公時拜右拾遺

寧樓野樹林寧飲澗水流不用坐良肉崎嶇見
王侯鄙哉疋夫節布褐將白頭任智誠則短守
仁固其憂側聞大君子安問黨與讎所不賣公
器動為蒼生謀賤子跪自陳可為帳下不感激
有公議曲私非所求

上張令公

珥筆趨丹陛垂璫上玉除步簷青瑣闥方憶
畫輪車市閱千金字朝開五色書致君光帝典
薦士滿公車伏奏迴金駕橫金重石渠從茲罷
角抵希復幸儲胥天統知堯後王章笑魯初
匈奴遙俯伏漢相儼簪裾賈生非不遇汲黯
自堪踈學易思求我言詩或起予嘗從大夫後
何惜餘人餘

崔興宗寫真

畫君年少時如今君已老今時新識人知君
舊時好

山茱萸

朱實山下開清香寒更發幸與叢桂花牕前
向秋月

涼州賽神

涼州城外少行人百尺峰頭望虜塵健兒擊
鼓吹羌

笛共賽城東越騎神

哭殷遙

人生能幾何畢竟歸無形念君等為死萬事傷人情
慈母未及葬一女纔十齡泱泱寒郊外蕭條聞哭聲
浮雲為蒼茫飛鳥不能鳴行人何寂寞白日自淒清
憶昔君在時問我學無生勸君苦不早令君無所成
故人各有贈又不及平生負爾非一途痛哭逐柴荆
送君逐葬石樓山松栢蒼蒼賓馭還埋骨白雲長已
矣空餘流水向人間

哭孟浩然

時為殿中侍御史
知南選至襄陽作

故人不可見漢水日東流借問襄陽老江山空蔡州

哭褚司馬

妄識皆心累浮生定死媒誰言老龍吉未免伯牛灾
故有求仙藥仍餘遁俗杯山川秋樹苦牕戶夜泉哀
尚憶青驄去寧知白馬來漢臣修史記莫救楮生才

過沈居士山居哭之

楊朱來此哭桑扈逐於真獨自成千古依然舊四鄰
閑簷喧鳥雀故榻滿埃塵曙月孤鶯轉空山五柳春
野花愁對客泉水咽迎人善卷明時隱黔婁在日
貧逝川嗟爾命丘井嘆吾身前後徒言隔相悲詎幾

晨

哭祖六自虛 時年十八

否極嘗聞泰嗟君獨不然憫凶絕稚齒羸疾至中年
餘力文章秀生知禮樂全翰留天帳覽詞入帝宮傳
國訝終軍少人知賈誼賢公卿盡虛左朋識共推先
不恨依窮轍終期濟大川才雄望羔鴈壽促背貂蟬
福善聞前錄殲良昧上玄何辜鍛鸞駟何事與龍泉
鵬起長沙賦麟終曲阜篇城中君道廣海內我情偏
乍失疑猶見沉思悟絕緣生前不忍別死後向誰宣
為此情難盡彌令憶更纏本家清渭曲歸葬舊塋邊

求去長安道徒開京兆阡旌車出郊甸鄉國隱雲天
定作無期別寧同舊日旋候門家屬苦行路國人憐
送客哀終進征途哭復前贈言為挽曲奠席是離筵
念昔同携手風期不暫捐南山俱隱逸東洛類神仙
未省音容間那堪生死遷花時金谷飲月夜竹林眠
滿地傳都賦傾朝看藥舫群公咸屬目微物敢齊肩
謬合同人旨而將玉樹連不期先挂劍長恐後施鞭
為善吾無已知音子絕焉琴聲縱不沒終亦斷悲絃

歎白髮 二首

我年一何長鬢髮日已白俛仰天地間能為幾時容

惆悵故山雲徘徊空日夕何事與時人東城復南陌
宿昔朱顏成暮齒須臾白髮變垂髻一生幾許傷心
事不向空門何處銷

過秦皇墓時年十五

古墓成蒼嶺幽宮象紫臺星辰七曜隔河漢九泉開
有海人寧渡無春鴈不迴更聞松韻切疑是大夫哀

故太子太師徐公挽歌四首

功德冠群英彌綸有大名軒皇用風后傳說是星精
就第優遺老來朝詔不名留侯常辟穀何苦不長生
謀猷為相國翊贊奉乘輿劔履升前殿貂蟬託後車

齊侯疏土宇漢室賴圖書僻處留田宅仍纔十頃餘
舊里趨庭日新年置酒晨聞詩鸞渚客獻賦鳳樓人
北首辭明主東堂哭大臣猶思御朱輅不惜汗車茵
久踐中台座終登上將壇斷車騎空憶盛衣冠

風日咸陽慘笳簫渭水寒無人當便關應罷太師官
故西河郡杜太守挽歌三首

天上去西征雲中護北平生擒白馬將連破黑鵬城
忽見芻靈善徒聞竹使榮空留尤氏傳誰繼卜商名
迓葬金符宇同歸石窀棲卷衣悲畫翟持翼待鳴雞
容衛都人慘山川駟馬嘶猶聞隴上客相對哭征西

塗芻去國門祕器出東園太守留金印夫人罷錦軒
旌旄轉衰木簫鼓上寒原墳樹應西靡長思魏關恩

故南陽夫人樊氏挽歌二首

錦衣餘翟蔽繡轂罷魚軒泚女詩長在夫人法尚存
凝笳隨曉旆行哭向秋原歸去將何見誰能返戟門
石窀恩榮重金吾車騎盛將朝每贈言入室還相敬
疊鼓秋城動懸旌寒日暎不言長不歸環珮猶將聽

送奚侍郎夫人寇氏

二首一無
此下七首

束帶將朝日鳴環映牖辰能令明諫主相勸識賢人
遺挂空留壁迴文日覆塵金蠶將畫柳何處更知春

女史悲彤管夫人罷錦軒卜瑩占二室行哭度千門
秋日光能淡寒川波自翻一朝成萬古松栢暗平原

恭懿太子挽歌五首

何悟藏環早纔知拜璧年翀天王子去對日聖君怜
樹轉宮猶出笳悲馬不前雖蒙絕馳道京地別開阡
蘭殿新恩切榭宮夕臨幽白雲隨鳳管明月在龍樓
人向青山哭天臨渭水愁雞鳴常問膳今恨玉京留
騎吹凌霜發旌旗夾路陳愷容金節護冊命玉符新
傳母悲香祿君家擁畫輪射熊今夢帝秤象問何人
蒼舒留帝寵子晉有僂才五歲過人智三天使鶴催

心悲四祿館目斷望思臺若道長安近何為更不來
西望昆池闊東瞻下杜平山朝豫章館樹轉鳳凰城
五校連旗色千門疊鼓聲金環如有驗還向畫堂生

唐王右丞詩劉涓溪校本卷之六終



此二卷本王右丞詩集係西後刊劉涓溪校本其分卷序次即與宋本合余偶得坊間坊友胡某年沙云送梓州李使君詩乃作一半兩洵匪本也及余携歸核之卷之六出塞作脫去一リ計二土字驅字之下遼字之上以他本證之有馬秋日平原好射雕護羌校尉朝乘障破虜將軍夜渡云以宋刻行款而論驅字上本葉心遼字下本葉起可見此本從宋刻而後刊

無器矣唯且辭自為事故已升去由一丹以
宗本勅之則至大備無遺憾也自侯暇日
手校而余 庚辰冬之至百後公如



